

Innstilling frå valkomiteen til nytt sentralstyre

Leiar	Truls Gulowsen
Nestleiar	Pernille Hansen
Styremedlem	Øyvind Johnsen
Styremedlem	Kari Merete Andersen
Styremedlem	Wenche Skorge
Styremedlem	Kjell M. Derås
Første varamedlem	Ingebjørg Marie Thorkildsen
Andre varamedlem	Nasir Ahmed
Tredje varamedlem	Nyonga R Amundsen
Fjerde varamedlem	Gaute Rolv Dahl

Innstillinga er samrøystes avgitt 10. mars 2021.

Kandidatane:

Ny leiar: Truls Gulowsen

Truls Gulowsen bur i Oslo med to barn, han har sambuar i Stockholm. Han er naturforvaltar frå Norges miljø- og biovitenskapelige universitet på Ås med mellom andre Sigmund Hågvær som professor, og var i studietida leiar for Studenttinget ved NMBU, medlem av Landsstyret i Norges studentorganisasjon, gasskraftaktivist og frivillig prosjektmedarbeidar for vasskraftrevisjonar i Naturvernforbundet.

Etter studia på Ås begynte han i Greenpeace Norge, og han bidrog her til at organisasjonen i større grad enn tidlegare fungerte som ein del av norsk miljøbevegelse. Som leiar i Greenpeace frå 2007 til 2019 har han vore avgjerande i arbeidet med å styrke truverdnet til organisasjonen og rolla i norsk miljøbevegelse. Han har også vore ei tydeleg stemme i norsk og internasjonal miljødebatt over lang tid. Viktige hovudsaker for Truls har vore energisparing, oljefondet, oljeleiting i Arktis, Lofoten og Barentshavet, Equinor si tjæresandsatsing og utanlandssatsing elles, klimasøksmålet, samarbeid om klimajobbar, regnskog, oppdrett, miljøgifter, overfiske og marint vern. Truls har god erfaring med strategisk kampanjearbeid, media, politikk og forhandlingar med både miljøbevegelse, fagbevegelse og næringsliv.

Truls er i dag politisk rådgivar i Regnskogfondet, med særleg fokus på situasjonen i Brasil. Han er også politisk engasjert, og har dei siste to åra vore møtande vara i sentralstyret i MDG. Han var innstilt til en ny periode, men vil trekke seg frå nominasjonen i MDG for å kunne fokusere fullt på Naturvernforbundet. Han vil også trekke seg som styremedlem i Tankesmien Pan. Truls blir 47 år i mars 2021.

Ny nestleiar: Pernille Hansen

Pernille Hansen har ein doktorgrad i språkvitenskap. Ho kjem frå Molde, bur i Oslo og arbeider som førsteamanuensis i norsk språk ved Høgskolen i Innlandet.

Pernille blei vald inn som vara til sentralstyret på landsmøtet i 2018. I si tid i sentralstyret har ho mellom anna leia arbeidet med nye etiske retningslinjer og retningslinjer for handtering av varslingsaker. Ho var også medlem i vedtektskomiteen som arbeidde fram til landsmøtet 2018.

Frå 2016 til 2021 har Pernille vore leiar av Naturvernforbundet Oslo Øst. Tidlegare har ho vore regionsekretær (2005 – 2006), fylkesleiar (2007) og sentralstyremedlem (2007 – 2009) i Natur og Ungdom. Ho har dessutan vore tilsett i Naturvernforbundet Hordaland (2007) og Miljøagentane (2012).

Pernille har arbeidd med og er interessert i eit stort spekter av miljø saker, mellom anna klima, samferdsel og jordbruk. Ho har også arbeidd organisatorisk med medlemsvekst, opne arrangement og sosiale medier. Pernille er opptatt av å gjere Naturvernforbundet meir inkluderande og trekke fleire unge vaksne inn som aktive. Pernille er 36 år.

Fast medlem: Øyvind Johnsen

Øyvind Johnsen blei vald inn som vara til sentralstyret i 2015 og har vore nestleiar sidan 2016. Han er utdanna statsvitar, har vore fagdirektør og kommunikasjonsdirektør i Husbanken, styremedlem i Naturvernforbundet i Tønsbergdistriktet i ei årrekke, og han var leiar av Naturvernforbundet i Vestfold i perioden 2007 - 2018.

Øyvind har vore engasjert i naturvern siden ungdomsåra. Han var med i samarbeidsgruppene for natur- og miljøvern (snm) sine aksjonar mot skogsbilveggar i Nordmarka (Spålseter 1971 og Vidvangen 1972), deltok i (snm) sine grupper i økofilosofi og økopolitikk på 70-tallet og studerte økofilosofi med Sigmund Kvaløy Sætereng som rettleiar. Øyvind Johnsen er opptatt av at Naturvernforbundet skal vere ein brei og politisk uavhengig medlemsorganisasjon som tar vare på alle typar naturvern- og miljøengasjement. Øyvind Johnsen er 66 år og bur i Tønsberg.

Fast medlem: Kari Merete Andersen

Kari Merete Andersen blei vald inn i sentralstyret i Naturvernforbundet i 2018. Ho er utdanna økolog og har m.a. arbeidd i Direktoratet for Naturforvaltning, Trondheim kommunerevisjon, Regionalt forskningsfond og Høgskolen i Nord-Trøndelag der ho underviste i miljøleing og miljøutfordringar i næringslivet. Kari Merete har i mange år vore lokallagsleiar for Oljefritt Lofoten, Vesterålen og Senja i Trondheim, styremedlem i Naturvernforbundet i Trøndelag og i Motvind Norge (fram til 2020). Hun har også vore Naturvernforbundet sin styrerepresentant i Stiftelsen Miljømerking.

Kari Merete er opptatt av at det er to kriser vi må jobbe med parallelt, klimakrisa og naturkrisa, og legg vekt på at Naturvernforbundet må vere kunnskapsbasert i argumentasjonen vår. Ho ser på arealkonfliktar som ei av dei største utfordringane vi står overfor. I tillegg til stopp i oljeutvinning og klimagassutslepp er hun svært opptatt av skogsaker, vassdrag, havbruk og vindkraftproblem. Ho er aksjonist og naturverner på heiltid. Kari Merete bur i Trondheim, og er 64 år.

Fast medlem: Wenche Skorge

Wenche Skorge blei vald inn i sentralstyret i Naturvernforbundet i 2018. Ho er utdanna journalist og har arbeidd som kommunikasjonsrådgivar og skribent. Ho jobba mange år i oljebransjen og har m.a. vore informasjonsdirektør i Statoil. Ho har også hatt ei rekke styreverv, t.d. som styremedlem i Skagenfondene, Viking Fotballklubb og Amnesty Norge. Ho har vore medlem av styret i Naturvernforbundet i Rogaland sidan 2016.

Wenche er opptatt av at klimagassutsleppa må ned, samstundes som vi tek vare på naturmangfoldet. Vi er i ei viktig omlegging av økonomien og samfunnet, og Naturvernforbundet må leggje press på styresmaktene for å sikre framdrift og balanse. Dette gjeld ikkje minst i samferdselspolitikken. Wenche arbeider i dag som frilans kommunikasjonsrådgivar, og ho er ein aktiv samfunnsdebattant. Ho er 65 år og bur i Stavanger.

Fast medlem: Kjell M. Derås

Kjell M. Derås har vore varamedlem og fast medlem i sentralstyret i Naturvernforbundet sidan 2015. Han er opprinneleg frå Namdalseid og har utdanning innan sosialt arbeid, jordbruk og media/formidling. Han har i ei årrekke arbeidd med formidling og forsvar av naturgrunnlaget for sørsamisk kultur, der bruk av bilde har stått sentralt. Han blei tidleg miljøaktivist og aktiv i samarbeidsgruppene for natur- og miljøvern (snm) på 1970-tallet. Han var sterkt engasjert i folkeaksjonen mot skytefelt på Fosen, Forrakampen og kampen mot utbygging av Alta-Kautokeinovassdraget. Sidan har han jobba både med ei rekke store naturvernsaker og med formidling av naturglede. Han har også leia Fjellrevutvalet i Naturvernforbundet i 10 år.

Kjell har budd mange år i Levanger og var leiar av lokallaget der (1994 – 2006). Han var landsstyrerepresentant for Nord-Trøndelag (2005-2015). I 2017 flytta Kjell til Billefjord i Porsanger, han er der tilknytta Sjøsamisk kompetansesenter. Dei siste åra har han vore aktiv i lokallag og i fylkesstyret i Finnmark. Han har vore spesielt engasjert i blant annet Kalvvatnkampen, som ble vunnet i 2016, og andre vindkraftsaker, og i å dele erfaringar om bruk av sivil ulydnad. Kjell bur no i Alta og er 67 år.

Første varamedlem: Ingebjørg Marie Thorkildsen

Ingebjørg Marie Thorkildsen kjem frå Skoppum i Vestfold. Hun var aktiv i Natur og Ungdom frå 2015, både i lokallag, fylkeslag og landsstyre. Lokalt arbeidde ho mykje med samferdsel, klimarett og kampen mot dumping av gruveavfall i norske fjordar. Frå sommaren 2018 frem til januar 2021 var Ingebjørg sentralstyremedlem i Natur og Ungdom. Her arbeidde ho særleg med olje- og gruvesaker. Ingebjørg har også vore ein pådrivar for studentarbeidet i NU, og ho har vore tilsett som studentsekretær. Hun har også vore medlem av Gruveutvalet til Naturvernforbundet. Ingebjørg er 21 år og arbeider som økonomi- og administrasjonsmedarbeidar i Zero.

Andre varamedlem: Nasir Ahmed

Nasir Ahmed er produktansvarlig billett og pris i Ruter AS og har lang erfaring med kollektivtrafikk. Han har også lang erfaring med lokalpolitikk og er for tida inne i si tredje periode som bystyreprerentant for Arbeiderpartiet i Oslo. Også her har han m.a. jobba med samferdsel og luftforureining. Han er også aktiv i NTL. Nasir er opptatt av forbrukerretta naturvern og av å finne den rette balansen mellom forbruk og det å skape nye grønne arbeidsplassar. Nasir har lang erfaring med å delta i den offentlege debatten og vil i tillegg til sin faglege bakgrunn kunne bidra med utforming av uttalelser og kronikker og nå ut til grupper der Naturvernforbundet tradisjonelt står svakt. Nasir er 37 år.

Tredje varamedlem: Nyonga Rugumayo Amundsen

Nyonga Rugumayo Amundsen har hovudfag i bioteknologi frå Universitetet i Oslo. Ho har brei nasjonal og internasjonal røynsle, med eit spesielt engasjement for forskning, teknologi og innovasjon. Nyonga har hatt tillits- og leiarverv i fleire ulike organisasjonar, som Polyteknisk Forening (2007-2015) og Right to Sight Norway (2013-2015). Hun har vore aktiv i Naturvernforbundet i fleire år og var fylkesleiar i Sogn og Fjordane i perioden 2018-2020. Nyonga er opptatt av marin forsøpling, biologisk mangfold, fjordsaken og grøn kvardag. Ho flytta med familien sin frå Førde til Nordfjordeid i 2020 og er no leder for Opplæring og integrering i Stad kommune. Nyonga er 57 år.

Fjerde varamedlem: Gaute Rolv Dahl

Gaute Rolv Dahl kjem opprinneleg frå Mo i Rana men bur no i Trondheim. Han har vore aktiv i miljøbevegelsen sidan han meldte seg inn Natur og Ungdom i 1986 og har etter det m.a. vore aktiv i Spar Saltfjellet. I dag er han leiar av Naturvernforbundet i Trondheim. Gaute er utdanna samfunnsgeograf og jobbar i dag med samferdselsplanlegging i Trøndelag fylkeskommune. Han er også 50 % frikjøpt som tillitsvald. Gaute er opptatt av det som ofte blir kalla klassisk naturvern, men er opptatt av å også sikre livsgrunnlaget for menneska gjennom å arbeide for å redusere forureining. Gaute er opptatt av samanhengen mellom organisasjonsbygging og jobbing med saker og at dette må gjerast parallelt. Gaute blir 50 år i 2021.

Arbeidet i valkomiteen

Valkomiteen blei oppnemnd på landsmøtet i 2018 og har bestått av:

- Øystein Solevåg, leiar
- Line Andersen
- Ottar Michelsen
- Anna Birkeland Olerud
- Olav Nicolay Larsson Aga

Landsmøtet i 2018 vedtok også retningslinjer for arbeidet i valkomiteen.

Valkomiteen har gjennom «Nytt frå Naturvernforbundet» sendt ut ei oppmoding til organisasjonen og medlemmer om å foreslå kandidatar. I tillegg har valkomiteen i fellesskap intervjuet medlemmene i landsstyret og sentralstyret. Til saman har nesten 100 namneforslag blitt vurdert av valkomiteen.

I starten av valkomiteearbeidet blei det kjent at vi måtte foreslå ny leiar i Naturvernforbundet. Medlemmene i valkomiteen har vore i kontakt med dei fleste kandidatane som er foreslått som leiar eller nestleiar. I nokre høve har valkomiteen ikkje vurdert forslaget som aktuelt, forslagsstiller er i desse tilfella orientert om grunnen til dette.

Etter grundige vurderingar, har valkomiteen kome fram til at vi ønskjer å foreslå Truls Gulowsen som ny leiar. Valgkomiteen mener den solide fagkompetansen, det høge engasjementet for naturvern og den solide røynsla frå miljøkampen gjer Truls svært godt eigna i vervet som leiar av Naturvernforbundet.

Valkomiteen meiner forslaget til nytt sentralstyre vil vere eit godt val for Naturvernforbundet. Dette er eit svært kompetent styre med brei miljøfagleg kompetanse, men også solid kompetanse innan organisasjonsarbeid, kommunikasjon, forvaltning og økonomistyring. Valkomiteen har lagt stor vekt på kontinuitet, men har også arbeidd for å sikre fornying og mangfold.

Valkomiteen ser at aldersfordelinga kunne vore betre. I og med at førre sentralstyreperiode blei forlenga med eit ekstra år på grunn av pandemien, noko som førte til høgare frafall enn vanleg, har imidlertid komiteen lagt større vekt på å behalde dei medlemmene som ønskja å fortsette ein periode til.

Gjennom intervjuet som er gjennomført og gjennom dei tilbakemeldingane valkomiteen har mottatt, meiner vi at det nye sentralstyret vil ha tillit i organisasjonen, representere mangfoldet av medlemmene våre på ein god måte og bidra til eit sterkare engasjement om naturvern i tida framover.